


Shavkat Mirziyoyev Turkmanistonga jo'nab ketdi



**O'zbekiston Respublikasi Prezidenti Shavkat Mirziyoyev
Turkmaniston Prezidenti Gurbanguli
Berdimuhamedovning taklifiga binoan 19-may kuni amaliy
tashrif bilan Turkmanistonga jo'nab ketdi.**

O'zbekiston va Turkmaniston Prezidentlarining Turkmanboshi shahrida o'tadigan uchrashuv va muzokaralarida mamlakatlarimiz o'rtaida siyosiy, savdo-iqtisodiy, investitsiyaviy, transport-kommunikatsiya, madaniy-gumanitar va boshqa sohalardagi hamkorlikka doir dolzarb masalalar muhokama qilinadi, mintaqaviy va xalqaro muammolar yuzasidan fikr almashiladi.

Muzokaralarda Shavkat Mirziyoyevning joriy yil 6-7-mart kunlari Turkmanistonga davlat tashrifi doirasida o'tgan oliy darajadagi uchrashuvlarda erishilgan kelishuvlar ijrosi ham ko'rib chiqiladi.

Davlat rahbarlarining muzokaralari yakunida turli sohalardagi hamkorlikni yanada rivojlantirishga qaratilgan hukumatlararo, idoralararo va boshqa qator hujjatlar imzolanishi rejalashtirilgan. Tashrif doirasida mamlakatlarimiz ishbilarmon doiralari o'rtaida o'zaro manfaatli tijorat shartnomalari va bitimlar imzolanishi kutilmoqda.

Davlatimiz rahbari Shavkat Mirziyoyev O'zbekistonning Orol fojiasidan eng ko'p zarar ko'rgan hududlaridan kelgan bir guruh bolalar dam olayotgan "Avaza" milliy sayyohlik zonasiga tashrif buyuradi.

O'zA